

**ADVOKATSKA/ODVJETNIČKA KOMORA
FEDERACIJE BOSNE I HERCEGOVINE****1070**

Na osnovu člana 93., 96. i 97. Zakona o advokaturi FBiH ("Službene novine Federacije BiH", broj 1/25) i člana 42. Tarife o nagradama i naknadi troškova za rad advokata Advokatske komore FBiH broj 1041/25 od 31.05.2025. godine, Upravni odbor Advokatske komore FBiH je, na sjednici održanoj dana 04.06.2025. godine, donio

ODLUKU**I**

Utvrđuje se vrijednost boda u iznosu od 5,60 KM.

II

Odluka stupa na snagu danom objavljivanja u "Službenim novinama Federacije BiH".

Broj 1058/25
04. juna 2025. godine
Sarajevo

Predsjednica
Upravnog odbora
Advokatske komore FBiH
Tanja Hadžagić, s. r.

Na temelju članka 93., 96. i 97. Zakona o odvjetništvu FBiH ("Službene novine Federacije BiH", broj 1/25) i članka 42. Tarife o nagradama i naknadi troškova za rad odvjetnika Odvjetničke komore FBiH broj 1041/25 od 31.05.2025. godine, Upravni odbor Odvjetničke komore FBiH je, na sjednici održanoj dana 04.06.2025. godine, donio

ODLUKU**I**

Utvrđuje se vrijednost boda u iznosu od 5,60 KM.

II

Odluka stupa na snagu danom objavljivanja u "Službenim novinama Federacije BiH".

Broj 1058/25
04. lipnja 2025. godine
Sarajevo

Predsjednica
Upravnog odbora
Odvjetničke komore FBiH
Tanja Hadžagić, v. r.

(SI-802/25-F)

1071

Na osnovu člana 27. Zakona o advokaturi Federacije Bosne i Hercegovine ("Službene novine Federacije BiH", broj 01/25) i člana 55. Statuta Advokatske komore Federacije Bosne i Hercegovine, Skupština advokatske komore Federacije Bosne i Hercegovine, na sjednici održanoj 31.05.2025. godine, donijela je

TARIFU**O NAGRADAMA I NAKNADI TROŠKOVA ZA RAD
ADVOKATA****Član 1.**

Tarifa o nagradama i naknadi troškova za rad advokata (dalje u tekstu: Tarifa) određuje visinu nagrade i naknade troškova koji pripadaju advokatu ako pisanim ugovorom između advokata i stranke nije drugačije ugovoreno.

I. KRIVIČNI POSTUPAK**Izrada podnesaka****Član 2.**

Advokatu pripada nagrada za izradu podnesaka u tijeku i u vezi s krivičnim postupkom, i to:

- krivična prijava - 150 bodova,
- prijedlog za ostvarivanje imovinskopravnog zahtjeva - 100% od nagrade iz člana 15,

- zahtjev za naknadu štete zbog neopravdane osude - nagrada iz člana 15,
- obrazloženi podnesak prije i u tijeku istrage, nakon potvrđivanja optužnice i u tijeku cijelog kaznenog postupka - 50% nagrade iz člana 4. stav 1,
- prethodni prigovor na optužnicu - nagrada iz člana 4. stav 1,
- prijedlog za odlaganje izvršenja kazne, uslovni otpust, brisanje osude i rehabilitaciju, molba za pomilovanje, podnesak u vezi prestanka mjere sigurnosti - 150 bodova,
- uvid u sudski tužilački spis ili pribavljanje dokaza za potrebe obrane - 50% nagrade iz člana 4. stav 1,
- posjeta u zatvor ili pritvor - nagrada po utrošenom satu koji se računa od trenutka ulaska u ustanovu, pa do izlaska iz ustanove iz člana 3. stav 1, uvećana za troškove iz člana 40,
- svi drugi podnesci (zahtjevi, molbe, obavještenja, izjašnjenja, dopisi i dr.) - 30 bodova.

Sudjelovanje branitelja u istrazi**Član 3.**

Za sudjelovanje u istrazi u svojstvu branitelja prilikom ispitivanja osumnjičenog, u svojstvu zastupnika oštećenog ili u svojstvu savjetnika svjedoka, advokatu pripada nagrada kao za odbranu iz člana 4. stav 1, te za svaki naredni započeti sat naknada od 20 bodova.

Za sudjelovanje u svojstvu branitelja u radnjama dokazivanja u istrazi (pretres stana, prostorija, osoba i dr.) advokatu pripada 50% nagrade iz stava 1, te nagrada za svaki naredni započeti sat iz stava 1.

Za radnje koje se izvode izvan suda, tužilaštva i sjedišta istražnih organa, osim nagrade po utrošenom satu, advokatu pripada i nagrada kao iz stava 1 te pravo na naknadu troškova iz člana 40.

Odbrana osumnjičenog odnosno optuženog**Član 4.**

Za odbranu optuženog (fizičke ili pravne osobe) pred sucem za prethodni postupak (u fazi istrage), sucem za prethodno saslušanje i na glavnom pretresu pred prvostepenim sudom, te na ročištima povodom prijedloga za određivanje, produženje ili ukidanje pritvora i mjera zabrane, advokatu pripada nagrada u krivičnim postupcima koji se vode:

- za krivična djela za koja je zapriječena kazna zatvora do 3 godine - 120 bodova,
- za krivična djela za koja je zapriječena kazna zatvora od 3 do 5 godina - 180 bodova,
- za krivična djela za koja je zapriječena kazna zatvora od 5 do 10 godina - 240 bodova,
- za krivična djela za koja nije propisan gornji prag zapriječene kazne zatvora - 480 bodova;

Za odbranu optuženog na sjednici drugostepenog suda advokatu pripada nagrada kao za odbranu iz prethodnog stava, ovisno od visine zapriječene kazne.

Za odbranu optuženog (fizičke ili pravne osobe) na glavnom pretresu pred drugostepenim sudom, pripada nagrada kao za odbranu iz stava 1, ovisno od visine zapriječene kazne.

Kada glavni pretres ili sjednica neprekidno traje duže od jednog dana, advokatu pripada nagrada kao iz stava 1. - 3. ovog člana.

Za odbranu optuženog na predraspravnom ročištu - statusna konferencija, advokatu pripada 50% nagrade iz stava 1.

Za sudjelovanje na glavnom pretresu ili sjednici osim nagrade iz stava 1 - 3, advokatu pripada i nagrada za svaki naredni započeti sat glavnog pretresa ili sjednice od 20 bodova.

Za sudjelovanje na rekonstrukciji, očevidu i drugim radnjama koje se izvode izvan zgrade suda, osim nagrade iz ovog člana advokatu pripada i naknada troškova iz člana 40.

Ako je poslije podignute optužnice, a prije izvođenja dokaza na glavnom pretresu, došlo do obustave postupka ili do odlaganja glavnog pretresa, advokatu pripada 50% nagrade iz ovog člana.

Za prisutnost prilikom objave presude, advokatu pripada 50% nagrade iz stava 1 - 3.

Član 5.

Kada advokat u krivičnom postupku zastupa ili brani više osoba, pripada mu nagrada za svakog branjenika u iznosu od 100% u skladu sa odredbama ove tarife.

Zastupanje oštećenog i pravno savjetovanje svjedoka

Član 6.

Za zastupanje oštećenog na glavnom pretresu ili na sjednici pred prvostepenim ili drugostepenim sudom, advokatu pripada 50% nagrade iz člana 4.

Za sudjelovanje advokata kao pravnog savjetnika svjedoka na glavnom pretresu ili na sjednici pred prvostepenim ili drugostepenim sudom, advokatu pripada nagrada iz člana 4.

Obrana maloljetnika

Član 7.

Za odbranu maloljetnika advokatu pripada nagrada:

- prije pokretanja i u tijeku pripremnog postupka - 100 bodova,
- na glavnom pretresu ili sjednici - 150 bodova.

Za sve druge radnje u postupku koji se vodi protiv maloljetnika advokatu pripada nagrada kao za odbranu iz člana 4.

Pravni lijekovi

Član 8.

Za izradu žalbe protiv presude (za optuženog ili oštećenog), advokatu pripada 125% nagrade iz člana 4 stav 1.

Za izradu odgovora na žalbu protiv presude, advokatu pripada 80% nagrade iz prethodnog stava.

Za izradu žalbe protiv rješenja o određivanju ili produženju pritvora, o primjeni odgojno-popravnih mjera i mjera sigurnosti, o određivanju ili produženju mjera zabrane, o upućivanju u zavod za liječenje ili psihijatrijsku ustanovu, oduzimanju predmeta i drugih rješenja, te protiv odluke o troškovima, advokatu pripada 100% nagrade iz člana 4. stav 1.

Za izradu pravnih lijekova sa kratkim rokovima za izjavljivanje u trajanju od 24 sata ili 3 dana u skladu sa odredbama Zakona o krivičnom postupku, kada zadnji dan roka pada na dane vikenda, tj. rok istječe u ponedjeljak, pored nagrade iz ovog člana advokatu pripada pravo na uvećanje nagrade u iznosu od 25%.

Za izradu prijedloga za ponavljanje postupka i žalbe protiv rješenja o odbijanju prijedloga za ponavljanje postupka, advokatu pripada nagrada iz člana 4. stav 1.

Za izradu odgovora na prijedloge iz prethodnog stava advokatu pripada 75% nagrade iz prethodnog stava.

Pritvorski predmeti, angažiranje stručnih osoba i rad izvan radnog vremena

Član 9.

Ako se osumnjičeni ili optuženi nalazi u pritvoru, nagrada advokata propisana Tarifom se uvećava za 25% za svaku poduzetu radnju.

Za angažiranje istražitelja ili stručne osobe iz pojedine oblasti, nagrada advokata propisana Tarifom se uvećava za 20% za svaku poduzetu radnju.

Član 10.

Advokatu koji učestvuje u radnji održavanja ročišta za određivanje pritvora ili po potrebi drugih neodložnih radnji propisanih ovom tarifom, iz člana 3. i 4., a koje se odvijaju izvan

redovnog radnog vremena suda, odnosno u neradne dane, pored nagrade određene članom 3. i 4. nagrada se uvećava za 25% za svaku poduzetu radnju.

Pregovori o krivnji, sporazum o priznanju krivnje i izjašnjenje u krivnji

Član 11.

Za iniciranje i sudjelovanje pregovora o krivnji osumnjičenog, advokatu pripada nagrada kao za odbranu iz člana 4. stav 1.

Za sudjelovanje advokata u izjašnjenju o krivnji optuženog, advokatu pripada nagrada od 70% nagrade predviđene članom 4. stav 1.

Za zaključenje sporazuma o priznanju krivnje, advokatu pripada nagrada za zaključivanje istog 50% nagrade iz stava 1. ovog člana.

Za odbranu na ročištu za razmatranje sporazuma o priznanju krivnje advokatu pripada nagrada iz člana 4.

Ukoliko sud zaključi glavni pretres i odmah neposredno održi ročište za razmatranje sporazuma o priznanju krivnje advokatu pripada nagrada iz člana 4. za odbranu na pretresu, te 50% nagrade iz prethodnog stava.

Posebno obimni ili teži krivični predmeti

Član 12.

U posebno obimnim ili težim krivičnim predmetima, advokatu, za cijeli postupak ili za pojedine dijelove postupka, pripada paušalna nagrada, koja ne prelazi dvostruki iznos propisane nagrade.

II. PREKRŠAJNI POSTUPAK

Član 13.

Za odbranu i zastupanje na glavnom pretresu, te za svaki sljedeći dan nastavljenog glavnog pretresa advokatu pripada nagrada iz člana 15, a osnovica za obračun nagrade se određuje prema maksimalno propisanoj kazni, a ne manje od 100 bodova, odnosno ne manje od 200 bodova u postupcima u privrednom poslovanju.

Za izradu žalbe protiv rješenja i zahtjeva za ponavljanje postupka advokatu pripada 125% nagrade iz stava 1.

Za izradu prijedloga za povrat u prijašnje stanje advokatu pripada 50% nagrade iz stava 1.

Član 14.

Kada advokat u prekršajnom postupku zastupa ili brani više osoba, pripada mu nagrada za svakog branjenika u iznosu od 100% u skladu sa odredbama ove tarife.

Pored nagrade iz člana 13. advokatu pripada i pravo na troškove iz člana 40.

III. PARNIČNI POSTUPAK

Osnovica za obračun nagrade

Član 15.

Kao osnovica za obračun nagrade u parničnom postupku primjenjuje se sljedeća tabela:

0,00 KM	5 000,00 KM	80 bodova
5 000,01 KM	10 000,00 KM	120 bodova
10 000,01 KM	30 000,00 KM	240 bodova
30 000,01 KM	50 000,00 KM	360 bodova
50 000,01 KM	75 000,00 KM	480 bodova
75 000,01 KM	100 000,00 KM	600 bodova
preko 100 000,00 KM		600 + 4 boda za svakih započelih 1 000,00 KM ali ne više od 3 000 bodova, odnosno 5 000 bodova u privrednim sporovima

Član 16.

Kao osnovica za obračun nagrade u parničnom postupku koji se vodi u postupcima naplate komunalnih usluga, isporuke vode, struje, toplotne energije, telekomunikacijskih usluga, usluga odvoza smeća, pričuve i održavanja zgrada, te naplate bilo koje vrste taksi primjenjuje se sljedeća tabela:

0,00 KM	100,00 KM	30 bodova
100,01 KM	500,00 KM	40 bodova
500,01 KM	1 000,00 KM	50 bodova
1 000,01 KM	5 000,00 KM	70 bodova
5 000,01 KM	20 000,00 KM	100 bodova
preko 20 000,01 KM		120 bodova

Primjena osnovice za obračun nagrade

Član 17.

Prilikom obračunavanja pojedinih radnji u postupku, advokatu pripada:

- 100% nagrade iz člana 15, odnosno 16, za sljedeće pravne radnje u postupku:
 - izrada tužbe i protutužbe,
 - izrada odgovora na tužbu i protutužbu,
 - zastupanje na pripremnom ročištu po tužbi i po protutužbi te za svaki sljedeći dan pripremnog ročišta - na pripremnom ročišta (u slučaju ponovljenog postupka, advokatu pripada pravo na potpunu nagradu i za ponovljeno pripremnog ročište te za svaki sljedeći dan pripremnog ročišta - nastavka pripremnog ročišta),
 - zastupanje na ročištu za glavnu raspravu po tužbi i po protutužbi te za svaki sljedeći dan glavne rasprave - na glavne rasprave (u slučaju ponovljenog postupka, advokatu pripada pravo na potpunu nagradu i za ponovljeno ročište za glavnu raspravu te za svaki sljedeći dan glavne rasprave - nastavka glavne rasprave),
 - zastupanje stranke na ročištu za određivanje mjere osiguranja, privremene mjere i osiguranja dokaza,
 - izrada žalbe protiv rješenja o mjerama osiguranja i osiguranja dokaza,
 - pravne radnje u arbitražnom postupku (izrada tužbe i protutužbe, izrada odgovora na tužbu i protutužbu, izrada obrazloženih podnesaka, zastupanje na ročištu),
 - pravne radnje u postupku medijacije (izrada prijedloga, izrada odgovora na prijedlog, izrada obrazloženih podnesaka, zastupanje na ročištu),
 - ako se u istoj parnici, na jednom ročištu, raspravlja po tužbi i po protutužbi, advokatu pripada pravo na zasebnu nagradu za zastupanje prema vrijednosti spora po tužbi i pravo na zasebnu nagradu za zastupanje prema vrijednosti spora po protutužbi.
- 150% nagrade iz člana 15, odnosno 16, za sljedeće pravne radnje u postupku:
 - izrada žalbe protiv presude i žalbe protiv rješenja donesenog u postupku smetanja posjeda,
 - zastupanje na raspravi pred drugostupanjskim sudom,
 - izrada vanrednih pravnih lijekova,
 - izrada tužbe kojom se pobija odluka iz arbitražnog postupka.
- 200% nagrade iz člana 15, odnosno 16, za sljedeće pravne radnje:

- pred međunarodnom arbitražom (izrada tužbe, izrada odgovora na tužbu i obrazloženog podneska, zastupanje na ročištu),
 - izrada prijedloga za pokretanje postupka za rješavanje spornog pravnog pitanja.
- 75% nagrade iz člana 15, odnosno 16, za sljedeće pravne radnje u postupku:
 - zastupanje stranke na očevidu,
 - izrada odgovora na žalbu protiv presude i odgovora na žalbu protiv rješenja donesenog u postupku smetanja posjeda,
 - izrada odgovora na prijedlog za pokretanje postupka za rješavanje spornog pravnog pitanja,
 - izrada odgovora na vanredne pravne lijekove,
 - izrada prijedloga za određivanje mjere osiguranja, prijedloga za određivanje privremene mjere i prijedloga za osiguranje dokaza,
 - izrada odgovora na prijedlog za određivanje mjere osiguranja, privremene mjere i osiguranja dokaza,
 - izrada prijedloga za povrat u prijašnje stanje i odgovora na prijedlog za povrat u prijašnje stanje te zastupanje na ročištu povodom prijedloga za povrat u prijašnje stanje.
 - 50% nagrade iz člana 15, odnosno 16, za sljedeće pravne radnje u postupku:
 - za izradu obrazloženih podnesaka,
 - zastupanje stranke na ročištu za zamolbeno izvođenje dokaza,
 - izrada žalbe protiv rješenja (osim rješenja za koja je nagrada drugačije određena Tarifom),
 - izrada odgovora na žalbu protiv rješenja,
 - izrada prijedloga za donošenje dopunske presude ili rješenja i izrada prijedloga za ispravku presude ili rješenja,
 - za pristup na ročište (pripremnog ročišta ili glavnu raspravu) koje je odgođeno na samom ročištu (prije početka raspravljanja).
 - 25% nagrade iz člana 15, odnosno 16, za sljedeće pravne radnje u postupku:
 - za izgubljeno vrijeme zbog otkazivanja ročišta (pripremnog ročišta ili glavnu raspravu) koje je odgođeno telefonskim putem ili putem e-mail komunikacije, u roku koji je kraći od 24 sata prije predviđenog termina ročišta.
 - U postupcima u kojima se prema odredbama Zakona o parničnom postupku, ne može utvrditi vrijednost spora:
 - razvod ili poništenje braka, postojanje ili nepostojanje braka,
 - utvrđivanje ili osporavanje očinstva, čuvanje i odgoj djece; radni odnosi (poništenje otkaza, utvrđivanje prava na rad i sl.), osim u procjenjivim predmetima;
 - smetanje posjeda, služnost, smatrat će se da je, radi primjene Tarife, vrijednost spora 10 001,00 KM

IV. IZVRŠNI POSTUPAK

Član 18.

U izvršnom postupku osnovicu za obračun nagrade čini zbroj glavnog potraživanja, dospjelih kamata, troškova parničnog postupka i drugih sporednih potraživanja, te se nagrada određuje na temelju člana 15, odnosno 16.

Prilikom obračunavanja pojedinih radnji u izvršnom postupku, advokatu pripada:

1. 100% nagrade iz člana 15, odnosno 16, za sljedeće pravne radnje u postupku:
 - a) izrada prijedloga za izvršenje i prijedloga za protuizvršenje,
 - b) izrada prigovora protiv rješenja o izvršenju (uključujući i prigovor treće osobe),
 - c) izrada žalbe protiv rješenja (uključujući i žalbu treće osobe),
 - d) zastupanje na bilo kojem ročištu koje bude provedeno u izvršnom postupku i poduzimanje bilo koje druge radnje u provođenju izvršenja.
2. 50% nagrade za sljedeće pravne radnje u postupku:
 - a) izrada obrazloženog podneska,
 - b) izrada odgovora na prigovor i izrada odgovora na žalbu.

V. POSTUPAK STEČAJA I LIKVIDACIJE

Član 19.

Osnovica za obračun visine nagrade za izradu prijedloga za pokretanje stečajnog postupka ukoliko ga pokreće stečajni vjerovnik određuje se prema visini potraživanja vjerovnika u skladu sa odredbom člana 15. Tarife.

Osnovica za obračun visine nagrade za izradu prijedloga za pokretanje stečajnog postupka ili postupka likvidacije, ukoliko ga pokreće budući stečajni dužnik, određuje se prema visini temeljnog kapitala društva u odnosu na koga se predlaže pokretanje stečajnog postupka, te advokatu pripada nagrada iz člana 15, ali ne manje od 240 bodova.

Za zastupanje na ročištima u stečajnom ili likvidacijskom postupku, ovisno o tome da li zastupa dužnika ili vjerovnika, advokatu pripada nagrada iz stava 1. ovog člana, koja se određuje, ako zastupa vjerovnika, prema vrijednosti potraživanja tog vjerovnika, a ako zastupa dužnika, prema ukupnoj vrijednosti prijavljenih potraživanja na ispitnim ročištima, odnosno visina ukupne vrijednosti priznatih potraživanja na izvještajnim ročištima.

Za izradu pravnih lijekova advokatu, ovisno o tome da li zastupa dužnika ili vjerovnika, pripada nagrada u iznosu od 125% nagrade iz stava 1. ili 2. ovog člana.

VI. VANPARNIČNI POSTUPAK

Član 20.

Za izradu podnesaka kojima se pokreće postupak te pristup na ročište, advokatu pripada sljedeća nagrada:

- u svim procjenjivim predmetima 50% nagrada iz člana 15.
- u svim neprocjenjivim predmetima nagrada iznosi 100 bodova

Za izradu obrazloženog podneska, izradu odgovora na pravne lijekove i pristup na ročište na kojem se nije raspravljalo iz procesnih razloga 50% nagrade iz stava 1.

Za izradu pravnih lijekova advokatu pripada 125% nagrade iz stava 1.

VII. ZEMLJIŠNOKNJIŽNI POSTUPAK

Član 21.

Za izradu zemljišnoknjižnih prijedloga na temelju kojih se odlučuje o upisu, brisanju, predbilježbi ili zabilježbi nekog prava, advokatu pripada 80 bodova.

Za izradu obrazloženog podneska u tijeku postupka advokatu pripada 40 bodova.

Za izradu pravnih lijekova advokatu pripada 120 bodova.

Advokat ima pravo na advokatsku nagradu u visini definiranoj članom 35, stav 1. ove Tarife, za utrošeno vrijeme koje je bilo potrebno za sačinjavanje bilo kojeg ugovora, odluke ili

isprave koja služi kao pravni osnov upisa zbog kojeg se podnosi prijava iz stava 1. ovog člana, s tim da se maksimalno utrošeno vrijeme ograničava na 8 sati za svaki ugovor, odluku ili ispravu koja bude predmet rada od strane advokata.

VIII. UPRAVNI POSTUPAK

Član 22.

Za izradu zahtjeva kojim se pokreće upravni postupak, izrada obrazloženog podneska, izrada prijedloga za izvršenje i zastupanje advokatu pripada sljedeća nagrada:

- u procjenjivim predmetima nagrada iz člana 15;
- u neprocjenjivim predmetima nagrada iznosi 100 bodova.

Za izradu prigovora ili žalbe i zastupanje pred drugostepenim organom advokatu pripada 125% nagrade iz stava 1.

Za izradu vanrednih pravnih lijekova advokatu pripada 150% nagrade iz stava 1.

IX. UPRAVNI SPOR

Član 23.

Za izradu tužbe, odgovora na tužbu, zahtjeva za odlaganje izvršenja, zahtjeva za zaštitu sloboda i prava, zahtjeva za izvršenje presude i zastupanje na ročištu advokatu pripada sljedeća nagrada:

- u procjenjivim predmetima nagrada iz člana 15;
- u neprocjenjivim predmetima nagrada iznosi 200 bodova.

Za izradu pravnih lijekova, zahtjeva za vanredno preispitivanje sudskih odluka i zahtjeva za zaštitu zakonitosti advokatu pripada 125% nagrade iz stava 1.

Za izradu obrazloženih podnesaka i odgovora na pravne lijekove 50% nagrade iz stava 1.

X. POSTUPAK ZA UPIS U REGISTAR POSLOVNIH SUBJEKATA

Član 24.

Za izradu prijave za upis osnivanja ili promjene podataka, te za izradu obrazloženog podneska u tijeku postupka advokatu pripada nagrada od 80 bodova.

Za izradu žalbe advokatu pripada nagrada od 120 bodova.

Advokat ima pravo na advokatsku nagradu u visini definisanoj članom 35, stav 1. ove Tarife, za utrošeno vrijeme koje je bilo potrebno za sačinjavanje bilo kojeg ugovora, odluke ili isprave koja služi kao pravni osnov upisa zbog kojeg se podnosi prijava iz stava 1. ovog člana, s tim da se maksimalno utrošeno vrijeme ograničava na 8 sati za svaki ugovor, odluku ili ispravu koja bude predmet rada od strane advokata.

XI. POSTUPAK PRED USTAVNIM SUDOVIMA

Član 25.

Za izradu apelacije kojom se pokreće postupak pred ustavnim sudovima, advokatu u svim postupcima pripada 200% nagrade iz člana 15. u procjenjivim predmetima, a u neprocjenjivim predmetima nagrada iznosi 300 bodova.

Za izradu ostalih podnesaka u tijeku postupka, advokatu pripada 50% nagrade iz stava 1.

Za zastupanje i sudjelovanje na raspravi, advokatu pripada nagrada iz stava 1.

XII. POSTUPAK PRED EVROPSKIM SUDOM ZA LJUDSKA PRAVA

Član 26.

Za izradu zahtjeva kojim se pokreće postupak pred Evropskim sudom za ljudska prava, te zahtjeva za reviziju presude, advokatu pripada 400% nagrade iz člana 15. u procjenjivim predmetima, a u neprocjenjivim predmetima nagrada iznosi 600 bodova.

Za izradu ostalih podnesaka u tijeku postupka (zahtjeva za tumačenje presude, zahtjev za ispravljanje pogreške), advokatu pripada 50% nagrade i stava 1.

Za zastupanje i sudjelovanje na raspravi, advokatu pripada nagrada iz stava 1.

XIII. POSTUPAK PRED POSLODAVCEM I ZASTUPANJE U DISCIPLINSKIM POSTUPCIMA

Član 27.

Za pružanje pravne pomoći radniku (izradu obrazloženog podneska, izrada zahtjeva za zaštitu prava i sl.) advokatu pripada nagrada od 100 bodova.

Ako je kod poslodavca propisan disciplinski postupak za odbranu u disciplinskom postupku advokatu pripada nagrada iz prethodnog stava iznosi 120 bodova.

Za izradu nacрта odluka kada advokat zastupa poslodavca advokatu pripada nagrada od 150 bodova.

Pored navedenih nagrada, za svaku od izvršenih radnji definisanih ovim članom, advokat ima pravo zaračunati i dodatnu advokatsku nagradu predviđenu članom 35, stav 2. ove Tarife, u ovisnosti koliko mu je utrošenog vremena bilo potrebno za pružanje te radnje, ali ne više od maksimalnih 8 sati po svakoj od tih radnji.

Član 28.

Za zastupanje ili odbranu u bilo kojem drugom disciplinskom postupku advokatu pripada nagrada iz člana 27.

XIV. POSTUPAK JAVNIH NABAVKI

Član 29.

Za izradu žalbi u postupcima javnih nabavki advokatu pripada nagrada iz člana 15, s tim da se kao visina spora u tim postupcima uzima vrijednost javne nabavke, odnosno vrijednost pobijanog dijela (LOT-a).

Za izradu svih drugih podnesaka ili poduzimanje svih drugih radnji u postupcima javnih nabavki advokatu pripada 25% nagrade iz člana 15.

XV. NEPROCJENJIVI PREDMETI

Član 30.

U neprocjenjivim predmetima, koji nisu obuhvaćeni odredbama Tarife, niti se vrijednost predmeta spora može na drugi način utvrditi, za svaku radnju advokatu pripada sljedeća nagrada:

- u prvostepenim postupcima - 120 bodova,
- u drugostepenim postupcima - 180 bodova,
- u postupcima po vanrednim pravnim lijekovima - 240 bodova.

XVI. OSTALI POSTUPCI

Član 31.

Za izradu obrazloženih podnesaka (zahtjeva, opomena) i zastupanje u postupcima koji se vode prije sudskog ili upravnog postupka (kao što su npr. zahtjevi za naknadu štete upućeni državi, entitetu, kantonu ili jedinicama lokalne samouprave, osiguravajućim društvima i drugim fizičkim i pravnim osobama; zahtjevi u postupcima koji prethode izvlaštenju, opomene za plaćanje dužnicima i slično) advokatu pripada 50% nagrade iz člana 15.

XVII. RAZNO

Izrada isprava, Ugovora, ili Odluka

Član 32.

Za izradu svih ostalih isprava, odluka ili ugovora, koje nisu definisane drugim odredbama ove Tarife, advokat ima pravo na advokatsku nagradu u visini predviđenoj članom 35. stav 1. ove Tarife, za utrošeno vrijeme koje je bilo potrebno za sačinjavanje tih isprava, odluka ili ugovora, s tim da se maksimalno utrošeno vrijeme ograničava na 8 sati za svaki ugovor, odluku ili ispravu koja bude predmet rada od strane advokata.

Dopisi

Član 33.

Za izradu neobrazloženih dopisa stranci, protivnoj stranci i drugim sudionicima u pravnim poslovima stranke, advokatu pripada nagrada u iznosu od 30 bodova.

Pribavljanje klauzula i drugih isprava

Član 34.

Za pribavljanje klauzule pravomoćnosti ili izvršnosti odluka, advokatu pripada nagrada od 15 bodova.

Za pribavljanje izvoda iz zemljišnih knjiga i registra poslovnih subjekata ili pribavljanje drugih isprava, advokatu pripada nagrada od 30 bodova.

Nagrada za utrošeno vrijeme

Član 35.

Advokatu pripada nagrada od 30 bodova za svakih započelih pola sata u sljedećim slučajevima:

- a) za sudjelovanje na konferencijama i sastancima na kojima se raspravlja o činjeničnim i pravnim pitanjima sa strankom, protustrankom i drugim sudionicima u pravnim pitanjima stranke;
- b) za usmena i pisana pravna mišljenja i savjete;
- c) za raspravljanje na konferencijama na stranom jeziku i za usmena i pisana pravna mišljenja i savjete o predmetima na stranom jeziku nagrada se uvećava za 100%;
- d) za izradu ugovora, odluka i isprava predviđenih člancima 21, 24. i 32. ove Tarife.

Advokatu pripada nagrada od 10 bodova za svakih započelih pola sata u sljedećim slučajevima:

- a) razmatranje i pregled spisa u svim postupcima (osim u kaznenom postupku) ili za uvid u zemljišne knjige, registre i ostale javne knjige;
- b) za čekanje na raspravu ili za vrijeme vijećanja suda, za odsustvo iz ureda za vrijeme putovanja i sl., ali najviše 8 sati dnevno;
- c) za sve druge pravne radnje kada odredbama Tarife ili ugovora nije predviđen drugačiji način određivanja nagrade;

Zastupanje više osoba i protiv više osoba

Član 36.

Kada advokat u istom postupku zastupa više osoba ili vodi postupak protiv više osoba, pripada mu pravo na uvećanje osnovnih tarifnih stavki.

U takvom slučaju kao vrijednost spora uzima se zbroj vrijednosti tužbenih zahtjeva svih stranaka koje advokat zastupa, te se broj bodova utvrđen na temelju te vrijednosti spora uvećava za 20% za drugu i svaku sljedeću osobu, s tim da to povećanje ne može biti veće od 100% nagrade.

Iznos uvećane nagrade dijeli se na jednake dijelove na svaku od zastupanih osoba.

Ukoliko postoji očit nesrazmjer u potrebi za angažiranjem kod zastupanja pojedinih stranaka u istom postupku, a zastupa ih isti advokat, advokat može sa strankama sporazumno odrediti drugi način obračuna nagrade.

Posebna vrsta ugovaranja nagrade za rad advokata

Član 37.

Advokat može slobodno ugovarati visinu nagrade sa strankom neovisno od odredbi Tarife pod uslovom da je ugovor sačinjen u pisanoj formi (uključujući prepisku putem elektroničke pošte).

Visina nagrade se može ugovoriti na jedan od sljedećih načina:

1. na temelju broja radnih sati, pri čemu ugovorne strane slobodno ugovaraju nagradu za jedan sat;
2. uvećanjem nagrade utvrđene Tarifom u određenom postotku, ali ne više od 100%;
3. određivanjem fiksnog iznosa nagrade za određeni posao;
4. određivanjem mjesečnog novčanog iznosa za kontinuirani rad advokata;
5. razmjerno uspjehu u postupku, u kojem slučaju gornja granica ugovorenog postotka ne može prijeći 30% od ukupno ostvarenog uspjeha;
6. primjenom advokatske tarife strane zemlje u kojoj se pruža pravna pomoć ili iz koje stranka dolazi;
7. kombinacijom navedenih načina.

Porez**Član 38.**

Ako je advokat obveznik PDV-a, dužan je obračunati PDV na advokatske usluge, osim u zakonom predviđenim slučajevima.

Obračun nagrade i naknade i dosuđeni troškovi**Član 39.**

Iznos troškova dosuđenih u postupku na teret protivne stranke ne utječe na obračun nagrade i naknade troškova između advokata i stranke.

Na zahtjev stranke, advokat je dužan sačiniti pisani obračun nagrade i troškova.

XVIII. NAKNADA TROŠKOVA**Član 40.**

Advokatu pripada naknada troškova za sve stvarne izdatke koji su bili potrebni za obavljanje povjerenih mu poslova. U ove troškove spadaju izdaci za poštanske, telefonske i bankarske usluge te ostali troškovi.

Za obavljanje poslova izvan sjedišta ureda, advokatu pripada naknada za troškove prijevoza i naknada za utrošeno vrijeme definirano članom 35. ove Tarife.

Advokat ima pravo na naknadu troškova prijevoza u visini cijene avionske karte ili drugog prijevoznog sredstva koje koristi.

Za upotrebu vlastitog automobila, advokatu pripada naknada troškova od 35% važeće cijene benzina 95 za svaki pređeni kilometar.

Ukoliko visina dnevnice nije posebno ugovorena, advokat ima pravo na dnevnicu u visini od 10% vrijednosti posljednje objavljene kvartalne prosječne neto plaće u Federaciji Bosne i Hercegovine.

Ako mora ostati na putu izvan sjedišta ureda duže od jednog dana ili mora prenoćiti u hotelu, advokat ima pravo na naplatu naknade za utrošeno vrijeme definirano članom 35. stav 2. ove Tarife i taj novi dan dnevnice i troškova hotelskog smještaja u hotelu sa 4*.

XIX. PRIMJENA TARIFE**Član 41.**

Advokat, sudovi i drugi organi primjenjivat će Tarifu i vrijednost boda koji su na snazi u trenutku kada je advokatska usluga izvršena.

XX. NAČIN ODREĐIVANJA VRIJEDNOSTI BODA**Član 42.**

Vrijednost boda iznosi 0,4% od iznosa prosječne neto plaće u Federaciji Bosne i Hercegovine objavljene od strane Federalnog zavoda za statistiku za 10. mjesec kalendarske godine koja bude prethodila kalendarskoj godini u kojoj budu izvršene advokatske radnje za koje se obračunava advokatska nagrada i naknada.

Tačan iznos vrijednosti boda koji će se, u skladu kriterijima navedenim u stavu 1. ovog člana, primjenjivati u narednoj kalendarskoj godini, Upravni odbor Advokatske komore F BiH će

objaviti u "Službenim novinama Federacije BiH", najdalje do 31. decembra svake tekuće godine, osim za kalendarsku godinu u kojoj Tarifa stupa na snagu, jer će se, za tu godinu, tačna vrijednost boda objaviti u "Službenim novinama Federacije BiH" zajedno s objavom te Tarife, a sve na osnovu prosječne neto plaće u Federaciji Bosne i Hercegovine objavljene od strane Federalnog zavoda za statistiku za 10. mjesec kalendarske godine koja bude prethodila kalendarskoj godini u kojoj Tarifa stupa na snagu.

XXI. OBJAŠNJENJE O PRIMJENI TARIFE**Član 43.**

Upravni odbor Advokatske komore FBiH daje objašnjenje o primjeni Tarife, dok njeno tumačenje daje Skupština Advokatske komore FBiH.

Objašnjenje i tumačenje o primjeni Tarife daje se na zahtjev stranke, advokata, suda ili drugih ovlaštenih organa u zemlji ili inostranstvu.

XXII. STUPANJE NA SNAGU**Član 44.**

Tarifu je odobrilo Federalno ministarstvo pravde svojim aktom broj 02-45-1484/25 od 20.05.2025. godine.

Tarifa stupa na snagu danom objavljivanja u "Službenim novinama Federacije BiH".

Danom stupanja na snagu ove Tarife prestaje važiti Tarifa o nagradama i naknadama za rad advokata ("Službene novine Federacije BiH", broj 22/04 i 24/04).

Broj 1041/25
31. maja 2025. godine
Sarajevo

Predsjednik
Advokatske komore FBiH
Bekir Gavrankapetanović, s. r.

Na temelju članka 27. Zakona o odvjetništvu Federacije Bosne i Hercegovine ("Službene novine Federacije BiH", broj 01/25) i članka 55. Statuta Odvjetničke komore Federacije Bosne i Hercegovine, Skupština odvjetničke komore Federacije Bosne i Hercegovine, na sjednici održanoj 31. svibnja 2025. godine, donijela je

**TARIFU
O NAGRADAMA I NAKNADI TROŠKOVA ZA RAD
ODVJETNIKA****Članak 1.**

Tarifa o nagradama i naknadi troškova za rad odvjetnika (dalje u tekstu: Tarifa) određuje visinu nagrade i naknade troškova koji pripadaju odvjetniku ako pisanim ugovorom između odvjetnika i stranke nije drugačije ugovoreno.

I. KAZNENI POSTUPAK**Sastav podnesaka****Članak 2.**

Odvjetniku pripada nagrada za sastav podnesaka u tijeku i u vezi s kaznenim postupkom, i to:

- a) kaznena prijava - 150 bodova.
- b) prijedlog za ostvarivanje imovinskopravnog zahtjeva - 100% od nagrade iz članka 15.
- c) zahtjev za naknadu štete zbog neopravdane osude - nagrada iz članka 15.
- d) obrazloženi podnesak prije i u tijeku istrage, nakon potvrđivanja optužnice i u tijeku cijelog kaznenog postupka - 50% nagrade iz članka 4. stavak 1.
- e) prethodni prigovor na optužnicu - nagrada iz članka 4. stavak 1.
- f) prijedlog za odlaganje izvršenja kazne, uvjetni otpust, brisanje osude i rehabilitaciju, molba za pomilovanje, podnesak u vezi prestanka mjere sigurnosti - 150 bodova.